



西湖志

倭倭盤崇  
偏安佚豫

ル 5  
1097  
8

共六



1097  
8



西湖遊覽志餘第三卷

偏安佚豫

錢唐



紹興十三年張俊解兵柄封河河郡王勅建甲第二  
 十一年冬十月高宗幸其第供進御筵初坐繡花  
 高釘一行 香圓 真糖 石榴 棗子 鶯梨  
 乳梨 檳榔 花木瓜 棠棣 雙菓子 叉袋兒 一  
 行 荔枝 圓眼 香蓮 蓮子 榛子 松子  
 銀杏 梨膏 棗酪 蓮子 燕窩 大蒸  
 棗 縷金香 藥一行 雙菓子 甘草花兒

硃砂圓子 水齋子 水齋子 史君子 確  
砂花兒 雕花兒 白木入參 雕花蜜煎一  
行 雕花糖餅兒 紅清豆 雕花筍 蜜冬瓜  
魚兒 雕花紅團花 木瓜大段花 雕花金橘  
青梅荷葉兒 雕花薑 茶荷花兒 雕花橙子  
木瓜方花兒 砌香鹹酸一行 香藥木瓜  
椒梅 香藥藤花 砌香櫻桃 砌香萱草拂兒  
紫蘇柰香 砌香葡萄 甘草花兒 梅肉餅  
薑絲梅 雜絲梅餅兒 水紅薑 脯腊一  
線肉條子 阜角錠子 鰕腊 雲夢犯兒

肉腊 姝房 旋鮮 金山鹹豉 酒醋肉  
肉瓜蓋 垂手八盤子 棟蜂兒 番葡萄 香  
蓮事件念珠 巴欖子 人金橘 新椰子象牙  
板 小橄欖 榆栞子 再坐切時果一行 春  
藕 鵝梨餅子 甘蔗 红柿 切棖子 切絲  
橘 乳梨月兒 生藕錠兒 時新果子一行  
金橘 藏楊梅 新羅葛 切蜜葷 切脆棖  
榆栞子 新椰子 切宜母子 其蔗柰香 梨  
五花兒 藕錠兒 新栞子 雕花蜜煎一行  
砌香鹹酸一行俱同前 瓏瓏果子一行 荔枝

甘露餅 荔枝蓼花 荔枝好郎君 瓏璵梔條  
 酥胡桃 纏棗圈 纏梨肉 香蓮事件 香  
 藥葡萄 纏松子 糖霜王蜂兒 白纏桃條  
 脯腊一行同前 下酒十五盞 第一盞 花炊  
 鶴子 荔枝白腰子 第二盞 妳房簽 三脆  
 羹 第三盞 羊舌簽 萌芽肚脰 第四盞  
 脆掌簽 鶴子羹 第五盞 肚脰脰鴛鴦燂肚  
 第六盞 沙魚脰 炒沙魚襯湯 第七盞  
 鱈魚炒覺鵝脆掌湯羹 第八盞 螃蜆釀棖  
 妳房王葉羹 第九盞 鮮蝦蹄子脰 南炒鱔

第十七盞 洗手鱉 鱖魚假蛤蜊 第十一盞  
 五珍脰 螃蜆清羹 第十二盞 鶴子水晶  
 脰 猪肚假江蟻 第十三盞 鰕棖脰 鰕魚  
 湯羹 第十四盞 水母脰 二色蟹兒羹 第  
 十五盞 蛤蜊生 血粉羹 挿食 炒白腰子  
 炙肚脰 炙鶴子脯 潤鷄 潤兔 炙炊餅  
 不炙炊餅彎骨 勸酒果子庫十番 砌香果  
 子 雕花蜜煎 時新果子 獨裝巴欖子 裝  
 大金橘小橄欖 鹹酸蜜煎 對裝揀松番葡萄  
 獨裝新椰子 對裝春藕陳公梨 四色時果

厨勸酒十味 江蝻煤肚 江蝻生 蝻蝻簽

薑醋香螺 香螺煤肚 曹酸假公權 煨牡

蠣 牡蠣煤肚 蟾鉅煤肚 準備上細墨四卓

又次細墨二卓 內蜜煎鹹酸 時新脯腊等 對食十盞二十

分 蓮花鴨簽 蟹兒羹 三珍膾 南炒鱧

水母膾 鷓子羹 鱖魚膾 三脆羹 洗手蟹

煤肚脰 對展每分時果五盤 晚食五十分

名件 二色蟹兒 肚子羹 笑靨兒 小頭羹

飯 脯腊鷄 脯鴨 直殿官大煤下酒 鴨簽

水母膾 鮮蝦蹄子羹 糟蠍 野鴨 紅

水晶膾 五珍膾 蛤蜊羹 直殿官合子食

脯鷄 油飽兒 野鴨 二色薑豉 雜燴 入

糙鷄 凍炙 麻脯鷄臙 炙焦 片羊頭 菜

羹一葫蘆 直殿官果子 時果十隔碟 外官

食次第一等太師秦檜 燒羊一口 滴粥 燒

餅 食十味 大椀百味羹 鱖兒盤勸 簇五

十饅頭 燒羊頭雙下 雜族從食五十事 肚

羹 大蔴子雙下 合占飽羹 三脆羹 鋪

羊粉飯 大簇飯 紅糕菓子 蜜煎三十椀

時果一盒切作十碟 酒一觥 少保秦燂

燒羊一口 滴粥一 蜜煎一盒  
 時果一盒 酒十 蜜煎一盒  
 六人 各食五味 蜜煎一盒 切榨一盒 燒  
 羊一盤 酒六瓶 蜜煎一盒 尚書陳誠之等  
 二十八人 各食五味 蜜煎一盒 時果一盒  
 酒四瓶 第四等第五等右監門居閒等一百  
 二十五人 各食二味 酒二瓶 中官五十人  
 各食五味 斬羊一斤 饅頭五十箇 角子  
 一箇 鋪薑粉飯 下飯鹹豉 酒一瓶 進奉  
 寶器 御樂帶一 王池面帶一 王獅蠻樂器

帶一 王鵲鬼帶三 王璧環二 王素鍾子一  
 玉花高足鍾子一 王枝梗瓜盃一 王瓜盃  
 一 王東西盃一 王香鼎二蓋全 王盆一  
 王古劔環等十七件 王圓臨安揀樸兒一 王  
 靶獨帶刀子二 王金三靶刀子四 王犀牛盒  
 替兒一 王器一千兩 珠子十二號共六萬九  
 千五百九顆 王念珠一串一百八顆 馬價  
 珠金鑲束帶一 翠毛二日金 白玻璃圓盤子  
 玻璃花瓶一 玻璃碗四 瑪瑙碗大小共二  
 十件 龍文鼎二 商彝二 高足商彝一 商

父葵一 周盤一 周敦二 周舉壘一 有蓋

獸耳周壘一 穿酒瓶一對 洗一 香爐一

香盒二 香球一 盞四隻 孟子二 出香

一對 大匳一 小匳二 螺鈿盒二十具 織金

錦褥子全 犀角盒一十具 織金錦褥子全 有

御寶畫十軸 曹霸五花驄 馮瑾齋烟長景

易元吉寫生花 黃居寶雀竹 吳道子天王

張萱竹叢 邊鸞萱草山鷓 黃筌萱草山鷓

宗婦曹氏蓼峴 杜庭睦明皇斫脰 無寶有御

書九軸 趙昌躑躅鷓鴣 梅竹思躑躅母鷄

杜霄撲蝶 巨然嵐鎖翠峰 徐熙牡丹 易元

吉寫生枇杷 董元夏山早行二軸 偽主李煜

林泉渡水人物 無御寶畫 荆浩山水 吳元

俞紫氣星 燃金錦五十疋 素綠錦百五十疋

木錦二百疋 生花番羅三百疋 隨駕官知

雀御帶御藥明司直殿官 紫羅五百疋 雜色

纈羅五百疋 馬下日子錢一萬貫文 禁衛一

行祇應人等 錢二萬貫文 炊餅二萬箇 熟

猪肉三千斤 燒炙三十盒 酒二千瓶

乾道淳熙間壽皇以天下養母奉德壽三殿遊幸湖

山御大龍舟宰執從官以至大噶應奉諸司及京  
府彈壓等各乘大舫無慮數百時承平日久樂與  
民同凡遊觀買賣皆無所禁畫楫輕舫旁午如織  
至于果蔬美酒關撲宜男戲具鬧竿花籃畫扇綵  
旗糖魚粉餌時花泥嬰等謂之湖中土宜又有珠  
翠冠梳銷金綠段犀鈿髹漆織藤窰器玩具等物  
無不羅列如先賢堂三賢堂四聖觀等處最盛或  
有以輕橈趁逐求售者歌妓舞鬟嚴妝自街以待  
招呼者謂之水儂子至于吹彈舞拍雜劇紛紜撮  
弄勝花泥丸鼓板投壺花彈蹴鞠分茶弄水踏滾

木撥盆雜藝散耍嘯唱息噐教水族飛禽水佃  
鬻道術烟火起輪走線流星火爆風箏不可指數  
總謂之趕趁人蓋耳目不暇給焉御舟四垂珠簾  
錦幕懸掛七寶珠翠龍船梭子鬧竿花籃等物宮  
姬韶部儼如神僊天香濃郁花柳避妍小舟時有  
宣喚賜予宋五嫂者汴酒家婦善作羹羹至是僑  
寓蘇隄光堯召見之詢舊悽然令進羹羹人競市  
之遂成富媪朱靜佳六言詩云柳下白頭釣叟不  
知生長何年前度君王遊幸賣羹收得金錢往往  
修舊京金明池故事以安太上之心湖上御園南



有聚景珍珠南屏北石集芳延禱王壺然亦多幸  
聚景馬。一日御舟經過斷橋旁有酒肆頗潔雅中  
飾素屏風書風入松一詞于上光堯停目稱賞久  
之宣問何人所作乃太學生于國寶醉筆也其詞  
云一春常費買花錢。日日醉湖邊。上驄慣識西湖  
路。騎嘶過沽酒樓前。紅杏香中歌舞。綠楊影裏鞦韆。  
暖風十里麗人天。花壓鬢雲偏。畫船載得春歸  
去。餘情付湖水湖烟。明日重携殘酒來尋陌上花  
鈿。上笑曰此詞甚好但末句不免酸寒因為改作  
明日重扶殘醉即日宣命解褐云

光堯雅愛湖山之勝恐數蹕煩民鑿大池宮內引水  
注之壘石爲山象飛來峰有堂名冷泉孝宗嘗賦  
詩云山中色秀何佳哉一峰獨立名飛來參差翠  
麓儼如畫石骨蒼潤神所開忽聞彷彿來宮囿指  
顧已驚成列岫規模絕似靈隱前面勢恍疑天竺  
後孰云人力非自然于巖萬壑藏雲烟上有嵒巖  
倚空之翠壁下有潺湲漱王之飛泉一堂虛敞臨  
清沼密蔭交加森羽葆山頭草木四時春閱盡歲  
寒長不老聖心仁智情優閒壺中天地非人間蓬  
萊方丈渺空濶喜若坐對三神山日長雅趣超塵

俗散步逍遙快心目山光水色無盡時長將柁向  
盃中綠光堯跋曰吾兒自幼岐嶷進德修業如雲  
升川增一日千里吾比就寬閒之地疊石爲山引  
湖爲泉作小亭于其旁用爲娛老之具且俾吾兒  
萬幾之暇時來遊豫父子杯酒相屬挹山光而聽  
泉流濯喧埃而發清興恍若徜徉乎靈隱天竺之  
間其樂可勝紀哉吾兒乃肆筆成章形容盡美雖  
吟詠之作帝王之餘事然造語用意高出百世之  
上非巨儒積力可窺其粗亦有以見天縱之多能  
覽之欣然老眼爲之增明矣有樓名聚遠光堯親

題其額仍大書蘇軾賴有高樓能聚遠一時收拾  
付閒人之句于屏間是歲翰林院進端午帖子云  
聚遠樓前面面風冷泉亭下水溶溶人間炎熱何  
曾到真是瑤臺第一重又云飛來峰下水泉清臺  
沼經營不日成景物自超塵世外何須方士覓蓬  
瀛皆紀實事也

乾道三年三月初十日內遣閣長至德壽宮奏知  
連日天氣甚好欲一二日間恭邀車駕幸聚景園  
看花取自聖意選定一日太上云傳語官家備見  
聖孝但頻頻出去不惟費用又且勞人本宮後園

亦有幾株好花不若來日請官家過來間看遂遣  
提舉官同到南內奉過遵依次日進早膳後車駕  
與皇后太子過宮起居二殿訖先至燦錦亭進茶  
宣召吳郡王曾兩府已下六員侍宴同至後苑看  
花兩廊並是小內侍及幕士效學西湖鋪放珠翠  
花朵玩具疋帛及花籃鬧竿市食等許從內人關  
撲次至毬場看小內侍拋綵毬蹴鞦韆又至射廳  
看百戲依例宣賜回至清妍亭看茶縻就登御舟  
繞堤閒遊亦有小舟數十隻供應雜藝嘌唱鼓板  
蔬果無異湖中太上倚闌閒看適有雙燕掠水飛

過得昔令曾覲進詞賦遂進阮郎歸云柳陰庭院  
占風光呢喃春晝長碧波新漲小池塘雙雙蹴水  
忙萍散漫絮飛揚輕盈體態狂為憐流水落花香  
嚼將歸盡梁既登舟知問張榆進柳梢青云柳色  
初濃餘寒似水纖雨如塵一陣東風縠紋微皺碧  
沼鱗鱗僊娥花月精神奏鳳篁鸞絃鬪新萬歲聲  
中九霞盃內長醉芳春曾覲和進云樵鬪紅勻梨  
腮粉薄鴛徑無塵鳳閣凌虛龍池澄碧芳意鱗鱗  
清時酒聖花神看內苑風光又新一部僊韶九重  
鸞仗天上長春各有宣賜次至靜樂堂看牡丹進

酒三盃太后邀太皇官家同到劉婉容奉華堂聽  
摘阮奏曲罷婉容進茶訖遂奏太后云近教得二  
女童瓊華綠華金能琴阮下基寫字畫竹背誦古  
文欲得就納與官家則劇遂令各逞伎藝併進自  
製阮譜三十曲太后遂宣賜婉容宣和殿玉軸沉  
香槽三峽流泉正阮一面白王九芝道冠北珠綠  
領道氅銀絹三百疋兩會子三百萬貫是日三殿  
並醉西牌還內

淳熙三年五月二十一日天申節先十日駕詣德壽  
宮進香并進奉銀五萬兩絹二千疋錢五萬貫度

牒一百道綠匣二百箇上僉云臣御名謹進令慕  
上安頓寢殿前候閣長到宮移入殿上并鋪放進  
奉七寶金銀器皿等十二日皇后到宮進香排日  
皇太子太子妃并大內職典等進香至日卯時駕  
率皇后太子太子妃文武百官并詣宮上壽駕至  
小次降輦太上遣本宮舉官傳旨減拜行禮上  
回奏上感聖恩容臣休壽太上再命減十拜  
俟太上升殿皇帝舞如儀率皇后百官上  
酒樂作衛士山呼舞次少歇樂人再排立  
殿上降簾太上再坐率皇后太子妃上壽六

宮次第起居禮畢退入內廷上過寢殿進早膳太  
上令宣喚吳郡王等入侍話上侍太上同往  
射廳看百戲依例宣賜酒幄次少歇上遣閣長  
奏知太上午時一刻恭請迎駕赴德壽殿排當  
皇帝已下金簪花侍宴至第三盞太上遣內侍請  
官家免花帽束帶鈔子蓋衣官裏回奏上感聖恩  
又免皇后大冠皇太子穿執金謝恩訖太上泛賜  
皇太子壘金篋寶盤盃紫羅紫紗南北內互賜承  
應人日子錢主管禁衛官率禁衛等人于殿門謝  
恩又入次少歇約一刻再請太上至樂堂再坐教

坊大使回正德進新製萬歲興龍樂曲破對舞各  
賜銀絹有差又移燕清華看蟠松宮嬪五十人皆  
僊粧奏清樂進酒并衙前呈新藝約至五盞太上  
賜官裏御書急就章并金剛經官家亦進御書真  
草千文太上看畢云大哥近來筆力甚進上  
起謝同皇太子步至蟠松下看御書詩再入太上  
宣索翡翠盃盃盃官裏與皇后親捧盃進酒太上  
曰此是宣和舊國進到今以賜皇帝上謝恩時  
太上官家盃盃八分醉塚再服上蓋率皇后太  
子謝恩官家盃盃盃上宣諭知省云官家

已醉可一路小...等知省等領旨還內來早上  
遣知省至宮恭...起居并奏欲親到宮謝恩  
太上就今提舉...併免到宮禮

八月二十八日壽...后生辰先十日車駕過宮  
先至太上處起居...入本殿進香以次皇后太子  
太子妃莊文太子妃張娘娘已下並進香起居至  
太上內書院進泛索遂奏安止還內十二日婉容  
到宮至西便門廊下先至太上處奏起居次入本  
殿進香諭雨免下階起居大內進香十三日知省  
及大官到宮進香閣長就管押進奉銀絹度牒等

并七寶金銀器皿此天中節減半官屬進香無設  
放壽星及神像書畫等物隔簾奏喏免起居退次  
日皇太后宅親屬到宮進香并本官人吏後苑官  
屬作院使等臣節次進香二十一日卯時皇后先  
到宮候駕至到太上前殿起居次至本宮殿官家  
第一班皇后第二班太子并妃第三班各上壽訖  
太后宅親屬上壽並同天中節儀太上邀官裏至  
清心堂進泛索值雨不呈戲依例支賜午初二刻  
奏辦就本殿大堂面比坐官家花帽上蓋皇后三  
釵頭冠并賜簪花酒至第五盃免大衣官裏便背

見赴坐第七盞小劉婉容進日製十色菊千秋歲  
曲破內人瓊瓊采采對舞上於閣子庫支賜五兩  
數珠子一號細色北段十疋太后又賜七寶花十  
枝珠翠芙蓉領緣一幅又移坐靈芝殿有木犀處  
進酒次到至樂堂再坐至更盡後還內

九月十五日明堂大禮十三日雨未時奏請宿齋北  
內送天花摩姑蜜煎山藥棗兒乳糖巧炊火燒角  
兒等十四日駕詣景靈宮回太廟宿齋雨不止午  
後太上遣提舉至太廟侍語官家連日祀事不易  
所謂十六日詣官飲福陰雨泥濘可免勞煩八氣

陰寒請官家美進御膳頻添御服上遣閣長回奏  
上感聖恩至日若登樓肆赦依舊詣官行禮不登  
門時當奏聞晚雨不止宣諭大禮使趙雄來早更  
不乘輅止用逍遙輦詣文德殿齋一應儀仗排立  
竝免放從駕官竝常服以從併遣御藥奏聞北內  
來日爲值雨更不乘輅謹遵聖旨不過官行飲福  
禮太上令傳語官家既不乘輅此間也不來看  
大禮使趙雄雖已得旨猶不許放仗上聞之曰來  
早若不晴時有何面目雄聞之曰縱使不晴得罪  
不過罷相耳堅執不肯放散至黃昏後雨止月明

上大喜遣內侍李思恭宣諭趙雄仍舊乘輅再遣  
御藥奏聞北內天晴仍舊乘輅候登門訖詣宮行  
禮十五日晴色甚佳車駕自太廟乘輅還內日映  
御袍天顏甚喜都民皆讚嘆聖德至巳時太上遣  
直閣官往齋殿傳語官家且喜晴明可見誠心感  
格賜御用段疋至鞦轡七寶篋刀子事件素食果  
子等仍奏連日等頓免行飲福禮上就遣知閣回  
奏上感聖恩天氣轉晴皆太上皇帝聖心感格容  
肆赦訖詣宮行禮併謝聖恩十六日登門肆赦畢  
車駕詣宮小次降輦提舉傳太上聖旨特減八拜

仍免至壽聖處飲福行禮畢略至絳華堂進泛素  
知閣張掄進臨江詞云聞道彤廷森寶仗霜風逐  
雨驅雲六龍扶輦下青冥香隨鑿扇遠日映赭袍  
明簾捲天街人頂戴滿城喜氣氤氳等間散作八  
荒春祗知天意好昨夜月華新

十月二十二日孝宗皇帝會慶聖節至日車駕過宮  
太上外殿起居簪花拜舞進壽酒太上回賜次至  
太后殿行禮乃從太上至後苑梅坡看早梅浣溪  
亭看小春海棠午初至載忻堂排當官裏換素帽  
太后賜官裏女樂二十八上再拜謝恩教坊都管



王喜等進新製會慶萬年薄媚曲破對舞並賜銀  
絹太上以白王桃盃賜上御酒云學取老爺年紀  
早早還京上飲酒再拜謝恩三盃後官家換背兒  
免拜皇后換團冠背兒太子免繫裏再坐本官御  
侍六人金陞郡夫人就賜誥謝恩照例支散日子  
錢太上又賜官裏至酒器十件壘珠嵌寶器一千  
兩冠絲作金龍裝花軟套閤子一副侍宴官吳郡  
王以下各賜金盤盃段疋薇露酒香茶等是日官  
裏大醉申牌後宣逍遙子入便門升輦還內

淳熙五年二月初一日孝宗過德壽宮起居太上留

坐冷泉堂至石橋亭子看古梅太上曰昔梅有二  
種一種出張公洞者苔蘚甚厚花極香一種出越  
上苔如綠絲長尺餘今歲二種同時着花留此少  
觀命內侍宣史浩至賜坐并召居廣鄭藻置酒奏  
樂上皇宣索市食如李婆婆雜菜菱賀四酪面臙  
二三猪胰胡餅戈家餅食等數種太上笑謂史浩曰  
此皆京師舊人各厚賜之又史浩嘗言樂堂盡遣樂  
工全用內人動樂舊行無異太上以黃玉紫心大  
葵花盞宣勸史浩捧觴爲兩宮壽君臣皆沾醉小  
內侍密語史相公少酌上謂之謂心曰蒲酌不妨

當為老先生一醉喜賜玉盤一盤子腦一人受口紫  
尼羅二十疋御書四幅浩謝而退

淳熙六年三月十五日車駕過宮請太上太后游聚  
景園至會芳殿降輦上及三層臺華殿降輦兩殿  
至瑤津少坐並乘步輦遍遊園中兩坐瑤津西軒  
酒三行都管劉景供進新製芝蘭丹曲破吳興佑  
舞各賜銀絹上親捧玉酒船上壽酒斟船中人物  
皆動太上喜至錦壁賞花牡丹千餘叢各有牙牌  
金字別採好色千朵安頓花架並是水晶玻璃天  
青汝窰金瓶中間放沉香卓安白玉碾花筒尊高

三尺徑一尺三寸獨插照殿紅十五枝隨駕官各  
賜兩面翠葉滴金牡丹沉香柄金絲御書扇各一  
把知閣張掄進壺中天詞云洞天深處賞嬌紅輕  
玉高張雲幕國艷天香相競秀瓊苑風光如昨露  
洗妖妍風傳馥郁雲雨巫山約春光濃如酒五雲  
臺榭樓閣聖代道洽功成一塵不動四境無鳴柝  
屢有豐年天助順基業增隆山岳兩世明君千秋  
萬歲永享昇平樂東堂呈瑞更無一片花落太上  
喜賜金盃盤法錦數事又至翠華登御舟入瀛金  
至斷橋入真珠園太上命買湖中魚蟹效與報本

湖中買賣人等內侍用小旗招引各有支賜時有  
賣炙羹宋五嫂東京人太上念其老官上船賜金  
錢十文銀錢百文絹十疋仍今後苑供應泛索至  
申時御舟稍泊花光亭至會芳少歇太上已醉上  
親扶上船乘轎都人傾城瞻嘆聖孝

淳熙七年十二月二十八日南內遣御藥并後苑官  
管押進奉兩官守歲合食則劇金銀錢消夜歲軸  
果兒錦曆鍾馗爆仗糕兒法酒春牛花朵等就奏  
知太上元日欲先詣宮朝賀然後還內引見大金  
使人太上不許傳語官家至日可先引見使人

却行到宮禮正月元日上坐紫宸殿引見使人  
即率皇后皇太子太子妃至德壽宮行朝賀禮進  
呈畫本人使面貌姓名及館伴問答是歲太上聖  
壽七十有五舊歲欲行慶壽禮太上不許至是方  
密進黃金壽帶二千兩上侍太上於櫺木堂香閣  
內說話三三宮侍詔并小說人孫音等十四人下  
棋兩局三三宮緞絹供泛索官家恭請太上太后  
來就南宮壽聖殿初二日早進膳訖遣太子到宮恭  
迎兩殿壽聖殿轎見禁衛擁入內官家親王殿  
門恭迎壽聖殿上降輦至損齋進茶訖至清燕殿

看書事  
十初刻後苑供進酥酒十色熬煮  
午正一刻刻安虛閣排當三盞後至萼綠華堂看  
梅上進銀二萬兩會子十萬貫太上云宮中無用  
錢處不須再奏請止受二分之一未初刻雪  
大下正是臆測太上甚苦謂官家云今年正欠此  
雪可謂及時却甚好但恐長安有貧者上奏云已  
令有司比去歲倍數支散太上亦命提舉官于本  
宮支犒官會照朝廷之數命近侍進酒官裏上壽  
近臣獻詞云紫皇高宴德臺雙成戲擊瑞苞碎何  
人為把銀河水剪甲兵都洗玉樣乾坤八荒同色

了無塵翳喜冰消太液煖融鳩鵲端門曉班初  
聖主憂民深意轉鴻鈞滿天和氣太平有象三官  
二聖萬年千歲雙玉盃深五雲樓迥不妨頻醉看  
來不是飛花片片是豐年瑞太上大喜賜鍍金酒  
器二百兩細色段疋復古殿香羔法酒太后命本  
官歌板色歌此曲進酒太上盡醉至更深宣轎兒  
入便門上親扶升輦還宮

淳熙九年八月十五日孝宗過德壽宮起居上皇鈞  
魚為樂遂留賞月宴香遠堂堂東有萬歲橋以白  
玉石為之雕欄瑩徹上作四面亭皆新羅白木與

西清志餘卷三  
天  
橋一色大池十餘畝植千葉白蓮御榻屏几酒器  
俱用水晶南岸列女樂北列男樂月上簫韶齊作  
稍止上皇召小劉妃獨吹白玉笙霓裳中序時侍  
燕宮開府會覲進壺中天詞云素飈漾碧看天衢  
穩送一輪明月翠水瀛壺人不到比似世間秋別  
玉手瑤笙一時同色小按霓裳疊天津橋上有人  
偷記新闕當日誰幻銀橋阿瞞兒戲一笑成痴絕  
肯信羣僊高宴處移下水晶宮闕雲海塵清山河  
影滿桂冷吹香雪何勞王斧金甌千古無缺上皇  
大喜曰從來月詞不曾用金甌事可謂新奇賜金

束帶紫番羅水晶碗上亦賜寶盞至一更五點還  
宮是夜西興亦聞天樂焉

淳熙十年八月十八日駕詣德壽宮奉迎上皇觀潮  
先期浙江亭扒縛蓆屋五十間至是并用綵纈幕  
帟上皇至賜從官酒食金免侍班聽從便觀看先  
是澈浦金山都統司水軍五千人抵下江至是又  
命殿司新刺防江水軍臨安府水軍並行閱試軍  
船擺開西興龍山兩峴近千隻管軍官於江面分  
布五陣乘騎弄旗標舞刀如履平地點放五色烟  
炮蒲江及烟收炮息諸般皆不見自龍山以下貴

西泠志卷三  
邸豪民綵幕綿亘二十餘里幾無行路西興一帶  
亦縛幕次綵繡照江有如鋪錦市井弄水者憎兒  
輩佳等凡百餘人皆手持十幅綵旗踏浪爭雄直  
至海門迎潮又有踏滾木水傀儡水百戲撮弄各  
呈伎藝上皇喜曰錢唐形勝天下所無上起奏曰  
江潮亦天下所獨宜諭侍官各賦酌江月一曲至  
晚呈上以吳琚爲第一其詞曰玉虹遙挂望青山  
隱隱如一抹忽覺天風吹浪立好似春霆初發白  
馬凌雲瓊鷺駕水日夜朝三闕飛龍舞鳳鬱葱環  
拱吳越此景天下應無東山形勝偉觀真奇絕好

是吳兒飛彩幟蹙起一江秋雪黃屋天臨水犀雲  
擁看擊中流楫晚來波靜海門飛上明月兩宮賞  
賜無限至月上始還

淳熙十一年六月初一日車駕過宮太上命提舉傅  
旨盛暑靖官家免拜至內殿起居太上令小內侍  
扶掖免拜謝恩太后處亦免拜太上邀官裏便背  
兒至冷泉堂進早膳訖太上宣諭云今歲比常年  
熱甚上起答云伏中正要如此太上云今日且留  
在此總涼到晚去或三省有緊切文字不妨就幄  
次進呈上領聖旨遂同至飛來峰看放水簾時荷

花盛開太上指池心云此種五花同幹近伯圭自  
湖州進來前此未見也堂前假山修竹古松不見  
日色金無暑氣後苑小廝兒三十人打息氣唱道  
情太上云此是張掄所撰鼓子詞後苑進沆瀣漿  
雪浸白酒上起奏曰此物恐不宜多喫太上曰不  
妨反覺爽快上曰畢竟傷脾太上首肯因閑說宣  
和間公公每遇三伏多在碧玉壺及風泉館萬荷  
莊等處納涼此處涼甚每次侍宴雖極暑中亦着  
袖襖兒也命小內侍宣張婉容至清心堂撫琴并  
令棊童下棊及令內侍投壺賭賽利物則劇官

進水晶提壺連索兒可成白酒二斗白王雙蓮盃  
梓釀玉香脫兒一套六箇大金盆一面盛七寶水  
戲并宣押趙喜等教舞水族又進太皇后白王香  
珀扇柄兒四把龍涎香數珠佩帶五十副真珠香  
囊等物直至酉初還內

淳熙十二年三月二十六日車駕宿戒幸王津園命  
下忽大雨有旨許從駕官帶雨具將曉有晴色已  
而天宇豁然待制洪邁進一詩歌咏其實云五更  
猶自雨如麻無數都人仰翠華翻手作雲方悵望  
舉頭見日共驚嗟天公的有施生妙帝力堪同造

物誇上苑春光無盡藏何須羯鼓更催花四月四  
日扈從詣景靈宮朝獻上賜和篇春郊柔綠遍桑  
麻小駐芳園覽物華應信吾心非暇逸頓回晴意  
絕咨嗟每思富庶將同樂敢務游畋謾自誇不似  
華清當日事五家車騎爛如花後二日兵部尚書  
宇文价內引上舉此詩曰洪待制用雨如麻字偶  
思得桑麻可押又其末句用羯鼓催花事故以華  
清車騎答之价拱手稱賀

上春前一日臨安府進大春牛設於福寧殿庭及駕  
臨幸內官皆用五色綵杖鞭牛以藥院例取牛睛

以克眼藥餘屬直閣婆羅管人都行首掌管預造  
小牛數十飾以綵幡雪柳分送殿閣巨璫各以金  
銀錢綵段相酌是日賜內官春幡勝宰執親王以  
金餘以金裹銀及羅帛爲之係文思院造辦各帶  
於幘頭之左入謝後苑辦造春盤供進及分賜貴  
邸宰臣巨璫翠鏤紅絲金鷄玉燕備極珍巧每盤  
直萬錢學士院撰進春帖帝后貴妃夫人諸閣各  
有定式絳羅金鏤華彩可觀臨安府亦鞭春開宴  
而邸第餽遺多效內庭焉胡浩然上郡守喜遷鶯  
云譙門殘月聽畫角曉寒梅花吹徹瑞日祥雲和



風解凍青帝乍臨東闕暖向土牛簫鼓天路珠簾  
高揭最好是戴綵幡春勝披頭雙結奇絕開宴處  
珠履玳簪俎豆爭羅列舞袖翩跹歌喉縹緲壓倒  
柳腰鶯舌勸我應時納祜還把金爐香爇願歲歲  
這一卮春酒長陪佳節

元夕禁中自去歲賞菊燈之後迤邐試燈謂之預賞  
一入新正燈火日盛皆修內司諸瑞主之於復古  
膺福清燕明華等殿張挂及宣德門梅堂三間臺  
等處隨時取古起立鰲山燈品每以蘇燈爲最圈  
片大者徑三四尺皆五色琉璃所成山水人物花

竹翎毛其後福州所進純用白玉晃耀奪目新安  
所進益奇圈骨悉皆琉璃號無骨燈禁中作琉璃  
燈山高五丈人物皆爲機關轉動如活結大彩樓  
貯之又於殿堂梁棟牕戶間爲漏壁作諸色故事  
龍鳳噴水蜿蜒如生前後設玉柵簾寶光花影不  
可正視僊韶迭奏聲聞人間殿上鋪連五琉璃閣  
皆毳文戲龍百花小牕間垂水晶簾流蘇寶帶交  
映璀璨中設御座恍然如在廣寒水晶宮也至二  
鼓上乘小輦幸宣德門觀鰲山擎輦者皆倒行以  
便觀賞香烟燈光薰照天地中以五色玉珊簇成

皇帝萬歲四大字其上伶官奏樂下爲露臺百戲  
呈巧內人小黃門皆巾裹翠蛾效街坊清樂宣喚  
市井舞隊及市食先是府尹預揮華潔善歌者伺  
于外至是隨宣進入妃嬪內人亦爭賞之數倍得  
直有一夕致富者宮漏旣深宣放烟火百餘架而  
駕始還

都市自舊歲孟冬駕回已有乘肩輿小女鼓吹歌舞  
日數十隊以供貴邸豪家之翫而天街茶肆酒館  
漸以羅列燈毬等求售謂之燈市自此以後每夕  
皆然三橋等處客邸最盛燈火簫鼓每至四鼓日

盛一日姜白石有詩云燈已闌珊月氣寒舞兒往  
往夜深還只應不盡婆娑意更向街心弄影看又  
云南陌東城盡舞兒畫金刺繡滿羅衣也知愛惜  
春遊夜舞落銀蟾不肯歸吳孟牕玉樓春云茸茸  
狸帽遮梅額金蟬羅剪胡衫窄肩輿爭看小腰身  
倦態強隨閑鼓笛問稱家在城東陌欲買千金應  
不惜歸來困頓滯春眠猶夢婆娑斜趁拍深其意  
態者也至節後漸有大隊如四國朝傀儡之類多  
至數百天府每夕差官點趣各給錢酒油燭多寡  
有差且使之南至昇陽宮支酒燭北至春風樓支

錢米終夕街坊鼓吹不絕士女羅綺如雲至五夜  
則京尹乘小轎諸舞隊次第簇擁前後連亘十數  
里錦繡填委道路吏魁以大囊貯楮券凡遇小經  
紀人犒千百謂之買市至有點者以小盤貯梨數  
片騰身出於稠人之中支請官錢數次者亦不禁  
也李質房詩云斜陽盡處蕩輕烟輦路東風入管  
絃五夜好春隨步煖一年明月打頭圓香塵掠粉  
翻羅帶寶炬籠綃闔王鈿人影漸稀花露冷踏歌  
吹度晚雲邊京尹幕次例古市西坊緊鬧分地黃  
燭粃盆照耀如晝其前列荷校囚數人大書犯由

云某人不合捨撲斂環挨糖婦女繼而行遣一二  
謂之粧燈其實皆獄內罪囚姑借以儆奸民耳又  
分委府僚以巡風燭及命都轄房使臣等分任地  
方以緝姦盜三獄亦張燈建淨獄道場多裝獄戶  
故事及陳列獄具邸第好事者如清河張府蔣御  
藥家開設雅戲烟花邊水際燈燭燦然遊人士  
女縱觀則相迎酌酒而去又有幽坊深巷好事之  
家多設五色炮燈更自雅潔姜白石詩云沙河雲  
合無行處惆悵來遊路已迷却入靜坊燈火空門  
門相似列蛾眉又云遊人歸後天街靜坊陌人家

未閉門簾裏垂燈照尊俎坐中嬉笑笑春溫或於  
小樓以人為大影戲兒童懽呼終夕此類不可數  
也西湖諸寺惟三竺燈最盛往往有官禁所賜貴  
璫所施者都人好奇亦往觀焉白石詩云珠絡珣  
璃到地垂鳳頭御帶玉交枝君王不賞無人進天  
竺堂深夜雨時街市婦女皆帶珠翠鬧蛾玉梅雪  
柳菩提葉燈毬鎗金合蟬貂袖項帕而衣尚白蓋  
燈月所宜也游手浮浪輩或剪白紙爲蟬謂之夜  
蛾以棗肉炭屑爲丸繫以鐵絲燃之名火湯梅以  
紙燈內置關捩放地下以足沿街楚轉之謂之滾

燈以木爲格用彩帛製爲異色行貨人物鋪面謂  
之六街三市燈飲食則乳糖糖粽圓子餛飩科斗  
粉豉湯水晶膾韭餅南北珍果阜兒糕宜利少橙  
圓子滴酥炮螺酪麵王消膏琥珀餉破麻酥灌糖  
酥藕龍纏蜜果糖葱管糖十般香糖皆用鏤鏃粧  
花盤架車兒簇插飛蛾紅燈綵盞叫歌喧填幕次  
往往呼至前使之吟叫 酬其直白石詩云貴客  
鈎簾看御街市中珍品一時來簾前花架無行路  
不得金錢不肯回競以金盤鈿合簇釘遺之謂之  
市食合兒夜闌燈罷有小燈照路拾遺者謂之掃

街遺鈿墮珥往往得之可謂奢之極矣亦東都遺風也

燈品蘇福為冠新安晚出精妙絕倫有無骨燈用絹囊貯粟為胎燒之及成去粟則渾然琉璃毬也景物奇巧無比又為大屏灌水轉機百物皆動趙忠惠守吳日嘗命製春雨堂五大間左為汴京御樓右為武林燈市歌舞雜藝纖悉曲盡凡用千工外此有鮪燈則刻鏤犀珀玳瑁以飾之珠子燈則五色珠為網下垂流蘇或為龍船鳳輦樓臺故事又皮燈鏤鏤工巧五色粧鑿如影戲之法羅帛燈尤

多或為百花或細眼間以紅白琥珀萬眼羅者最奇外此又有五色蠟紙菩提葉者若沙戲影燈人物旋轉如飛又深閨巧娃剪紙為燈尤為精妙有以絹燈剪為詩詞時寓譏諷及畫人物藏頭隱語及舊京諠語戲弄行人有貴邸競出新意以細竹絲編織加以絲飾可愛穆陵喜之今製百盞期限既迫勢難卒成而內苑諸璫耻於不自己出思所以勝之遂以黃草布剪縷加之點染與度無異凡兩日百盞俱進御矣

康伯可當高宗時以詞章待詔金馬及慈寧歸養兩

西華志餘卷三  
二六  
宮燕集伯可應制之作居多嘗於上元應制進瑞  
鶴僊云瑞烟浮禁苑正絳闕春回新正方半水輪  
桂花滿隘花衢歌市芙蓉開遍龍樓兩觀見銀燭  
星毬有爛捲珠簾盡日笙歌盛集寶釵金釧堪羨  
綺羅叢裏蘭麝香中正宜遊玩風柔夜煖花影亂  
笑聲喧鬧蛾兒蒲路成團打隊簇着冠兒鬪轉喜  
皇都舊日風光太平再見高宗覽之大喜賜金甚  
厚

二月二日宮中排辦挑菜御宴先是內苑預備朱綠  
花斛下以羅帛作小卷書品目于上繫以紅絲上

植生菜齋花諸品俟宴酬樂作自中殿以次各以  
金篋挑之后妃皇子貴主婕妤及都知等皆有賞  
無罰以次每斛十號五紅字爲賞五黑字爲罰上  
賞則成號真珠王盃金器北珠篋環珠翠領抹次  
亦銀鍍酒器冠鍍翠花段帛龍涎御扇筆墨定器  
官窰之類用此以資戲笑王宮貴邸亦多效之

仲春上旬福建漕司進第一綱臘茶各北苑試新皆  
方寸小夸進御止百夸護以黃羅軟蓋藉以青筠  
裹以黃羅夾覆臣封朱印外用朱漆小匣鍍金鎖  
又以細竹篾絲織笈貯之凡數重此乃雀舌水芽

所造一夸直四十萬僅可供數甌之噉耳或以一  
二賜外郎則以生線分解轉遺好事以爲奇玩茶  
之初進御也翰林司例有品嘗之費皆漕司邸吏  
賂之間不滿欲則入鹽少許茗花爲之散漫而味  
亦漓矣禁中大慶賀則用大鍍金甃以五色韻果  
簇飮龍鳳謂之繡茶不過悅目亦有專工者外人  
罕知

禁中賞花非一先期內苑及修內司分任排辦凡諸  
苑亭榭花木粧點一新錦簾綃幕飛梭繡毬以至  
茵褥設放器玩盆窠珍禽異物各務奇麗又命小

瑞內司列肆關博珠翠花朵冠冕環繡段畫領花  
扇官窠定器孩兒戲具闌干龍船等物及有賣果  
木酒食餠餌蔬茹之類莫不備具悉效西湖景物  
起自梅堂賞梅芳春堂賞杏花桃源觀桃粲錦堂  
金林檎照粧亭海棠蘭亭修禊至於鍾美堂賞大  
花爲極盛堂三面皆花石爲臺三層各植名品標  
以象牌覆以碧幕臺後分植玉繡毬數百株儼如  
鏤玉屏堂中左右各列三層繡花彩盤護以彩色  
牡丹畫衣間列碾玉水晶金壺及大食玻璃官窠  
等瓶各簪奇品如姚魏御衣黃照殿紅之類幾千

內務志卷三  
朶別以銀箔間貼大舩分種數千百窠分列四面  
至於梁棟牕戶間亦以湘筒野花鱗次簇插何翅  
萬朶當中設牡丹紅錦地茵自中殿如嬪以至內  
官各賜翠葉牡丹分枝鋪翠牡丹御書畫扇龍涎  
金合之類有差上至伶官樂部應奉等人亦沾恩  
賜謂之隨花賞或天顏悅懌謝恩賜予多至數次  
至春暮則稽古登瀛堂賞墮花淨侶亭紫笑淨香  
亭采蘭挑荀則春事已在綠陰芳草間矣大抵內  
宴賞初坐再坐掃食盤架者謂之排當否則但謂  
之進酒

禁中避暑多御復古選德等殿極涼長松修竹濃翠  
蔽日層巒竒岫靜窈縈深寒濕飛空下注大池可  
十畝池中紅白菡萏萬柄蓋園丁以瓦盎別種分  
列水底時易新者庶幾美觀又置茉莉素馨建蘭  
麝香藤朱槿玉桂紅蕉閨婆薜蔔等花數百盆於  
廣庭鼓以風輪清芬滿殿御坐兩傍各設金盆數  
十架積雪如山紗厨後先皆懸挂伽蘭木真蠟龍  
涎等香珠百餘蔗漿金碗珍果玉壺初不知人間  
有塵暑也聞洪景盧學士嘗賜對於翠寒堂三伏  
中體粟戰慄不可久立上問故笑遣中貴人以北



綾半臂賜之則境界可想矣

七夕前修內司進摩睺羅卜卓每卓三十枚大者至高三尺或用象牙雕鏤或用龍涎拂手香製造悉用鏤金珠翠衣帽金銀釵釧珮環真珠頭鬚及手中所執戲具皆七寶爲之各護以五色鏤金紗厨制鬪貴臣及京府等處至有鑄金爲貢者官姬市娃冠花衣領皆以乞巧物爲飾焉

禁中中秋賞月有延桂排當如倚桂閣秋輝堂碧岑皆臨時取旨夜深天樂直徹人間御街如絨線窰前青鋪皆鋪設貨物誇多競好謂之歇眼燈燭華

粲竟夕乃止此時浙江放一點紅羊皮小水燈數十萬盞浮滿水面粲如繁星或謂此乃江神所喜非徒事觀美也

禁中例於八日作重九排當於慶瑞殿分列黃菊粲然眩目且點菊燈略如元夕內人樂部亦有隨花賞如前賞花例蓋賞燈之宴權輿於此自是日盛矣或於清燕殿綴金亭貢橙橘遇郊祀則罷宴十月御前供進夾羅御服三廢服錦襖子夾公服授衣之遺意自是御爐日設入至明年二月朔止皇

后殿開爐節排當是月遣使朝陵如寒食儀都人

亦出郊拜墓，綈毳衣之類。

冬至朝廷大會慶賀，皆當正儀，而都人最重。一陽賀冬，車馬皆華整，鮮好五鼓已填擁，雜遝於九街。婦女小兒服飾華美，往來如霍山祠、城隍諸廟，炷香尤盛。三日之內，店肆罷市，垂簾飲博，謂之做節。享先則用餽餽，貴家求奇一器，凡十餘色，謂之百味餽餽。

禁中賞雪，御明遠樓，卽南木樓後苑，進雪獅，並以金鈴綵鏤爲飾，且作雪花、雪燈、雪山之類，及滴酥爲花，及諸事件，並以金盆盛進，以供賞玩。進雜煎品，味如春盤，餽餽羊羔兒酒，以賜併於內藏庫支。官券數百萬，以犒諸軍，及令臨安府分給貧民，或皇后殿別有支犒，而貴家富室亦各以錢米犒隣里之貧者。

禁中以臘月二十四日爲小節，夜三十日爲大節，夜呈女童驅儺，粧六丁六甲之類，大率如夢華錄所載。後苑修內司各進消夜果兒，以大合簇，餽凡百餘種，如蜜煎，下至花餚、炒豆，及玉噐珠翠、花朶犀象博戲之具，銷金斗葉，諸色戲弄之物，無不備具，皆極纖巧。又於其上作玉輅，高至三四尺，悉以金

玉等寶爲飾護以貼金龍鳳羅罩務以奇侈求勝  
一合之費不啻中人十家之產止資天顏一笑耳  
后妃諸閣各進歲軸兒及珠翠百事吉利袋兒小  
椽金銀器皿并隨年金錢一百二十文旋亦分賜  
親王貴邸宰臣巨璫至於爆竹有爲果子人物等  
類不一而殿司所進屏風畫鐘馗捉鬼內藏藥線  
藝成百餘奇巧不絕簫鼓迎春鷄人警唱而玉漏  
漸移金門已啓矣

歲晚薦日賜親王宰執三衙從官內侍省及外閣前  
宰執等臈藥係和劑局造進及御藥院特造辦銀

合各二百兩以至五十兩三十兩各有差伏日暑  
藥亦同

行都官酒庫每歲清明前開煮中秋前賣新先期諸  
庫呈樣點檢所所以呈府既中擇日開沽以白布  
三丈餘揭竹竿頂題曰某庫選到酒匠某人醞造  
上等醲辣無比高酒三五人扶之而行以鼓樂妓  
女雜技前導聯鑣穿市觀者如堵酒匠則新巾紫  
衣乘馬從之以府中所賞綵帛錢會銀碗駝負馬  
前謂之迎酒楊炎正詩云錢唐妓女顏如玉一一  
紅妝新結束問渠結束何所爲八月皇都酒新熟

酒新熟浮蛆香十二庫中誰最强臨安大尹索酒  
嘗舊有故事須迎將翠翹金鳳烏雲髻雕鞍玉勒  
三千騎金鞭爭道萬人看香塵冉冉沙河市琉璃  
盃深琥珀濃新翻曲調聲摩空使君一笑賜金帛  
今年酒賽真珠紅畫樓突兀臨官道處處繡旗誇  
酒好五陵年少事豪華一斗十千誰復校黃金爐  
下謾徜徉何曾見此大堤娼惜無顏公三十萬往  
醉金釵十二行又賽酒則往酌諸廟謂之乞利市  
高九萬詩云賽罷祠山賽二郎酒行明日欲開張  
愚民可是多忘本香火何曾到杜康

都城自過收燈賁遊巨室皆爭先出郊謂之探春至  
禁烟爲最盛龍舟十餘綵旗疊鼓交午曼衍粲如  
織錦內有曾經宣喚者則錦衣花帽以自別於衆  
京尹爲立賞格競渡爭標內璫貴客賞犒無筭都  
人士女兩堤駢集幾無置足地水面畫楫櫂比如  
鱗亦無行舟之路歌謔簫吹之聲振動遠近若遊  
之次第則先南而後北至午則盡入西泠橋裏湖  
其外幾無一舸矣弁陽老人有詞云看盡船盡入  
西泠閒却半湖春色蓋紀實也旣而小泊斷橋十  
舫駢聚歌管喧奏粉黛羅列最爲繁盛橋上少年

郎競縱紙鳶以相勾牽剪截線絕者爲負此雖小技亦有專門爆仗起輪走線之戲多設於此至花影暗而月華生始漸散去絳紗籠燭車馬爭門日以爲常張武詩云粘帖平湖印晚天踏歌遊賞錦相牽都城半掩人爭路猶有胡琴落後船

西湖競渡自二月八日爲始而端午尤盛是日畫舫齊開遊人如蟻龍舟六隻俱裝十太尉七聖二郎神雜劇飾以綵旗錦傘花籃鬧竿鼓吹之類帥守往一清堂彈壓立標竿於湖中挂錦綵銀碗官楮以賞捷者有一小節級披黃衫青帽插孔雀尾璫

小舟橫節杖聲喏取指揮次以舟回朝龍舟以綵旗招之諸舟鳴鑼鼓分兩翼遠近排列成行再以綵旗引之諸舟競發先至標所者取賞聲喏而退其餘犒錢而已吳子和賦喜遷鶯云梅霖初歇正絳色海榴爭開佳節角黍包金香蒲切玉是處玳筵羅列鬪巧盡輸年少玉腕綵絲雙結艤畫舫見龍舟兩兩波心齊發奇絕難盡處激起浪花鬪作湖間雪盡鼓轟雷紅旗掣電奪罷錦標方徹望中水天日暮猶自珠簾高揭棹歸晚載荷香十里一鈎新月

二月八日為桐川張王生辰霍山行宮朝拜極盛百戲競集他如雜劇則曰緋綠社蹴毬則曰齊雲社唱賺則曰遏雲社耍詞則曰同文社相撲則曰角觥社清樂則曰清音社射弩則曰錦標社花繡則曰錦體社使棒則曰英畧社小說則曰雄辯社行院則曰翠錦社影戲則曰繪革社梳剃則曰淨髮社吟叫則曰律華社撮弄則曰雲機社而七賢驀馬二會為最玉山寶帶尺璧翠珠璀璨奪目而天驥龍媒絨韉寶轡競賞神駿好奇者至剪毛為花草人物厨行果局窮極有核之珍有所謂意思作

者悉以通草羅帛雕飾為樓臺故事之類飾以珠翠極其精緻一盤至七且數萬然皆浮糜無用之物不過資一玩耳奇禽則紅鸚白雀水族則銀蟹金龜高麗華山之奇松文廣海嶠之異卉不可縷數莫非動心駭目之觀也若三月三日殿司真武會三月二十八日東嶽生辰社會之盛大率類此都下自十月以來朝天門內外競售錦裝新曆諸般大小門神桃符鍾馗狻猊虎頭及金綵縷花春帖幡勝之類為市甚盛八日則寺院及人家用胡桃松子乳葷柿栗之類作粥謂之臘八粥醫家亦多

合藥劑侑以虎頭丹八神屠蘇貯以絳囊餽遺大  
家謂之臘藥至于餽歲盤盒酒檐羊腔充斥道路  
二十四日謂之交年祀竈用花餽米餌及燒替代  
作糖豆粥謂之口數市井迎儺以鑼鼓遍至人家  
乞求利市至除夜則比屋以五色錢紙酒果以迎  
送六神于門至夜蕢燭粗盆紅映霄漢爆竹鼓吹  
之聲喧闐徹夜謂之聒廳小兒女終夕博戲不寐  
謂之守歲又明燈床下謂之照虛耗及貼天行帖  
兒財門于楣祀先之禮則或昏或曉各有不同如  
飲屠蘇百事吉膠牙餽燒木賣博董等事率多東

都之遺風焉守歲之詞雖多極難其選獨楊守齋  
一枝春最為近世所稱詞云竹爆驚春競喧闐夜  
起千門簫鼓流蘇帳暖翠出緩騰香霧停盃未舉  
柰剛要送年新句應自賞歌清字圓未誇上林鶯  
語從他歲窮日暮縱間愁怎減劉郎風度屠蘇辦  
了迤邐柳折梅妬一壺木曉早騎馬繡車盈路還  
又把月夕花朝命細數

都民素驕非惟風俗所蓋生長輦下勢使之然若  
住屋則動蠲公私房或怒歲不償一鑲諸務稅  
息亦多蠲放有連年不收一孔者皆朝廷自行抱

認諸項窠名...榜錢雪降則有雪寒錢久  
雨久晴則又有...大家富室則又隨時有  
所資給大官...命則有所謂捨節錢病者則有施  
藥局童幼不能自...者則有慈幼旬貧而無依者  
則有養濟院死而無殮者則有漏澤園民生何其  
幸歟

湖遊覽志餘第三卷終

西湖遊覽志餘第四卷

錢唐田 汝成 輯撰

佞倖盤荒

蔡京元長閩之仙游人宋徽宗時為翰林承旨附童  
惇臺諫攻之奪職提舉洞霄宮居杭州建第西湖  
酷極宏麗童貫以供奉官詣三吳訪書畫奇巧畱  
杭累月與京昵甚珍玩日達禁中帝遂屬意于京  
不數年超至相位導帝淫奢朝政日改靖康初金  
寇陷汴京京盡以金寶泛巨艦來錢唐御史孫迪  
等極詆其惡乃貶儋州死詔籍其家適毛遵可守



杭州京門士也。嘗喻其家藏鏹巨萬。故蔡氏之後不貧。當蔡氏全盛時。有士人夜遊。被酒遇缺墻。闌入園中。花木繁茂。徑術交錯。墜紅燈閃閃而來。驚匿小亭。有穴。羶覆啓而窺之。壯士伏其中。見士人驚奔而去。士人就隱焉。已而燭漸近。乃婦人十餘。靚粧麗服。俄趨亭上。舉羶見生。驚曰。不是不是。又一婦熟視曰。也得也得。執其手以行。生不敢問。引入洞房。曲室羣飲。交懽五鼓。乃散。士人憊倦不能行。群婦以巨篋昇而縋之。墻外比曉。匍匐而歸。跡其所遇。乃蔡太師花園也。

京旣南遷。中路有青取所寵。姬慕容邢武者三人。以金人指名來索也。京作詩以別云。爲愛桃花三樹。紅年年歲歲。惹春風。如今去逐他人手。誰復尊前念老翁。至潭州作詞云。八十一年住世。四千里外無家。如今流落向天涯。夢到瑤池闕。下玉殿。五回命相形。庭幾度宣麻。止因貪此戀榮華。便有如今事也。京之父準。葬臨平山。山爲駝形。術家謂駝負重。乃行遂作塔。山頂以浙江爲帶。水秦望爲案。山何其雄也。富貴旣極。一旦顛覆。幾于滅族。俗師風水之說。安足憑哉。

秦檜會之江寧人靖康初金兵陷汴二帝北遷檜以御史中丞從與其會撻懶善倡割地之議撻懶乃縱之使與其妻王氏航海奔行在高宗召見與議國事大竒之馴加褒用勅主和議廷臣異已者輒逐之樞密副使岳飛屢言和議誤國檜殊憾之竟以誣死而趙鼎張浚胡銓皆貶錮終身紹興十五年賜檜第于望仙橋置箔場官吏以應付所需訖其死十九年營建不已初就第時詔百官往送酒中優人致誦語荷叅軍者裛衣誦檜功德一伶以荷葉校椅從之誕語雜至賓歡既洽叅軍將就椅

忽墜其幘頭乃總髮以爲雙疊勝伶指問曰此何環曰二勝環伶遽扑其首曰爾但坐太師椅請取恩澤二聖還且掉腦後可也一坐失色檜怒下伶獄杖殺之自是語禁始密

檜女孫崇國夫人者方六七歲愛一獅猫亡之限令臨安府訪索逮捕數百人致猫百計皆非也乃圖形百本張茶坊酒肆竟不可得府尹曹泳因嬖人以金猫賂懇乃已

檜在相位顯指上下無敢弗從時都下貨壅乏見鏹市塵大闕府尹以鬪檜笑曰易耳即召文思院官

未至促者終纏奔而來諭之曰適得旨欲變錢法  
可鑄樣錢一縉進呈廢見鏹不用約翌午畢事院  
官唯唯而出召工爲之富家聞者盡出宿鏹市金  
粟物價太昂泉溢于市既而樣錢上省寂無聞矣  
都堂左揆閣前有石榴每著實檜暝數焉忽亡其  
二故不問一日將排燕忽顧左右取斧伐榴有親  
吏在傍曰榴實甚佳伐之可惜檜反訊曰汝盜吾  
榴吏叩頭伏罪其機械巧發如此

檜雖專恣然頗謹小嫌故高宗不疑一日其子燔衣  
黃葛衫侍側檜命換之燔不喻檜瞪目曰可換白

者燔言此葛貴賤通服檜曰我與汝却不可服也  
蓋以其黃色逼上用耳

憲聖召檜夫人入禁中賜宴進淮青魚憲聖顧問夫  
人曾食此否夫人對曰食此已久其魚視此更大  
容臣妾翌日供進蓋檜方秉權諸道諂奉踰于上  
貢也夫人歸急以語檜檜恚之曰夫人不曉事翌  
日遂易糟鱠負大者數十枚以進憲聖咲曰我固  
道無此大青魚夫人誤謔耳

當檜用事時佞士盈庭引古今而頌功德者例沐浴  
獎檜嘗建一德塔天監朝士有賀啓曰在昔獨伊

尹格于皇天到今微管仲吾其左衽檜喜超擢之  
有選人投詩曰多少儒生新及第高燒銀燭照蛾  
眉格天閣上三更雨猶誦車攻復古詩檜卽與改  
秩

胡忠簡鈐旣以乞斬秦檜授新州之禍直聲大振士  
夫惕禍無敢與立談者獨王盧溪廷珪詩而送之  
曰囊封初上九重關是日清都虎豹開百辟動容  
觀奏牘幾人回首媿朝班名高北斗星辰上身墮  
南州瘴海間豈待他年公議出漢廷行召賈生還  
僧聞之大怒流廷珪夜郎俄而檜死盧溪放回題

詩驛壁云辰州更在武陵西每望長安信息稀二  
十年興縉紳禍一終朝失相公城外人初說哥奴  
病遠道俄聞逐客歸當日弄權誰敢指如今憶得  
姓依稀

檜久擅權大誅戮以脅善類末年因趙忠簡之子汾  
以起獄謀盡覆張忠獻胡文定諸族棘寺奏牘上  
矣檜時已病坐格天閣下吏以牘進欲落筆署牘  
手顫而汚亟命易之至再竟不能字其妻王在屏  
後搖手曰勿勞太師須更檜仆于几伏枕數日死  
獄事大解初汾就逮自分必死囑其家曰脫有恩

言當餽食中真肉唉厲一以為信月餘無報日受  
慘酷求死不可得日正晝置之暗屋仰竝之使視  
椽椽偶見屋上一竅如錢微有日影須臾轉射壁  
上成一反字蓋獄吏剪字障日為報者汾解意亟  
承異謀遂得小挺惟數畧以待盡忽外致食滿橐  
皆唉厲汾泣曰吾約以一而今乃多如是殆給我  
既而獄吏皆來賀即日脫械出則檜聲鍾給贖矣  
檜之建第于望仙橋也備極宏麗其死也值天府開  
浚運河取土堆府門有人題詩曰格天閣在人何  
在偃月堂深恨亦深不向洛陽圖白髮却于郿鄠

貯黃金唉談便解興羅織咫尺那知有照臨寤寤  
九原今已矣空餘泥濘積墻陰又楊廷秀宿牧牛  
亭秦大師墳庵詩云曲閣只有一穰侯瀛館寧無  
再帝丘天極八重心未死台星三點折方休只眷  
壁後新亭策恐作移中屬國羞今日牛羊上丘壠  
不知丞相更嗔不

檜有十客曹冠以教孫為門客王會以婦弟為親客  
郭知建以離婚為逐客吳益以愛婿為嬌客施金  
以刺辨為刺客李季以設醮奏章為羽客龔金以  
治產為莊客丁禩以出入其家為行客曹泳以獻

計爲說客初止有此九客耳檜既死葬于建康有蜀人史叔夜者懷雞黍號慟哭至其家大喜因厚遺之遂爲吊客以足千客之數

檜之乘軸屏塞人言蔽上耳目九一時獻言者非誦檜功德則訐人苛細以中傷善類稍涉國事恐觸忌諱率噤而不發僅論禁銷金鋪翠鹿胎冠之類耳晚年殘忍尤甚數興大獄又喜諛佞不聽嫌疑張扶請檜乘金根車及檜封益國公又有乞置益國官屬及議九錫者檜聞之坦然不駭詭江有秦城驛知府呂愿中賦秦城正氣詩以媚檜得召京

秩沈長卿芮燁共賦牡丹詩有寧令漢社稷變作莽乾坤之句爲辨人所告編置化州趙令衿觀檜家廟口誦君子之澤五世而斬爲汪召錫所告下獄死至于開門受賂富敵王家外國珍奇死猶踵闕其子煢無日不鍛酒具治書畫特其細故耳

檜之當國也四方饋遺日至方務德帥廣東爲熾炬以衆香實其中遣馭女持詣檜府厚遺主藏吏期必達吏使俟命一口宴客吏曰燭盡滴廣東方經略送燭一罨未敢啓檜命取用之俄而異香滿座察之則自燭中出也蓋不藏其餘枚數之適得四

十九呼駛卒問故則曰經畧專造此燭供獻僅五十枚旣成恐不佳試藝其一不敢以他燭充數秦大喜以爲奉已之專也待方益厚

秦檜爲相久擅威福士大夫一言合意立取顯秩人懷速化之望故于朝者多不肯外遷有王仲荀者以滑稽游公卿間一日坐秦府賓次朝士雲集待見稍久仲荀前白曰今日公相未出堂衆官久伺某有一小話願資醒困衆知其善譏爭竦聽之乃抗聲曰昔有一朝士出謁未歸有客投刺于門聞者告之以某官不在留門狀俟歸呈稟客勃然

發怒叱闍曰汝何敢爾凡人之死者乃稱不在我與某官厚故來相見獨無諱忌而敢以此言目之我必埃其來面白以治汝罪闍者拱謝曰小人誠不曉諱忌願官人寬之乃今朝士留謁者例告如此若以爲不可當復作何語以謝客客曰汝官人旣出謁未回第云某官出外去可也闍愀然蹙額曰我官人寧死却是諱出外去三字滿坐皆大咲仲荀出入秦門預藪客老歸建康以死秦雖煽語禍獨優容之蓋亦一吻流也

檜之欲殺岳飛也于東廳下與妻王氏謀之王氏曰

擒虎易縱虎難其意遂決後檜遊西湖舟中得疾  
見一人披髮厲聲曰汝誤國害民吾已訴天得請  
矣檜歸無何而死未幾子熺亦死王氏設醮方士  
伏章見熺荷鐵枷問太師何在熺曰在鄴都方士  
如其言而往見檜與方侯高俱荷鐵枷備受諸苦  
檜曰可煩傳語夫人東臆事發矣

而冰秦檜門客也監黃巖酒稅秩滿到部注闕上省  
檜押勅見冰姓名物色召見之熟視曰公檜恩家  
也冰恍然不知所答則又曰忘之耶冰曰昏忘實  
不省于何處遭遇太師檜入室有頃取小冊示冰

使觀之首尾不記他事但有字一行曰某年月日  
某人錢五千曹泳秀才絹二疋益檜微時遊索富  
家得五千求益不可泳時爲館客探囊中得二絹  
曰此吾束脩之餘也今舉以遺子旣別不相聞雖  
知檜貴震天下不謂其即秦秀才也泳曰不意太  
師乃能記憶微賤如此檜曰公真長者命其子孫  
出拜之俾以上書易文資驟用之至戶部侍郎知  
臨安府晚年檜有異志泳實預其密謀檜病高宗  
臨視之已不能言懷中出一劄乞以其子熺代輔  
政上視之無語旣出呼幹辦府事者問何人爲此



則以泳對遂命勒停安置新州

韓侂胄昂夫魏忠獻王琦曾孫也孝宗崩光宗疾不能執喪寧宗在嘉邸丞相趙汝愚議擁立而憲聖皇太后居慈福宮莫可關白侂胄雅善慈福內侍因內侍以密啓太后太后許之汝愚乃立寧宗侂胄以定策功希望節鉞汝愚不許知閣劉弼勸汝愚曰此事侂胄不爲無功亦須稍疏官職而朱熹亦勸汝愚當厚賞以酬其勞弗使預政汝愚爲人踈直謂侂胄易制不以爲慮侂胄遂怨望內交官掖外比奸邪謀傾汝愚而難其名問于京鏜鏜曰

彼宗姓也誣以謀危社稷則一網打盡矣侂胄然之乃諷右正言李沐奏汝愚以同姓居相位將不利于社稷汝愚遂罷相設僞學之禁貶謫朱熹等五十九人趙從道有詩云慶元宰相事紛紛說着令人暗斷魂好聽當時劉弼語分夢官職與平原劉一清詩云齋壇一鉞底須慳坐見諸賢散似煙不使慶元爲慶曆也由人事也由天

侂胄旣進太師封平原郡王欲立奇功以自固乃倡恢復之議舉兵北伐金人分道南侵鎮兵屢敗侂胄懼遣使請和金人不許第索啓釁之首侂胄大

西清公集卷四  
怒用兵益急蜀口漢淮之民死者不可勝計中外  
憂惶禮部侍郎史彌遠與皇子榮王謀誅侂冑楊  
皇后亦從中力請乃得密旨侂冑陳自强皆罷相  
仍令夏震以兵押出國門是夕乃侂冑四夫人誕  
辰張功甫移庖大燕至五鼓方散沉醉幾不可起  
幹辦府事周筠以片紙投入云聞外間有警不佳  
乞閉閣門免朝侂冑怒曰誰敢如此至再三皆不  
從乃盥櫛服瑞香番羅衣一襲登車而往則殿司  
軍圍繞府第矣而侂冑猶未知也夏震呵止于途  
擁至玉津園側擊殺之命臨安府函其首請金人

求和建陽劉淮為之詩云寶蓮山下韓王府  
沉沉深幾許主人飛頭去和虜綠戶雕窓鎖風雨  
九世卿家一朝覆太師宜誅魏公辱後車不悟有  
前車兀突眼中觀此屋高九萬詩云拂曉官家簿  
錄時未曾吹徹玉參差傍人不忍聽鸚鵡猶向金  
籠喚太師

開禧北伐侂冑之寡謀浪戰固可罪矣至函其首以  
求和何其謬也善乎寧宗有言恢復豈非美事但  
不量力耳有為詩云自古和戎有大權未聞函首  
可安邊生靈肝腦空塗地祖父魂讎共戴大晁錯

西泠志會卷四  
已誅終叛漢于期未遣尚存燕廟堂自謂萬全策  
却恐防胡未必然

侂胄既逐趙忠定至衡州而暴卒或謂中毒云太學生  
敖陶孫賦詩于三元樓壁云左手旋乾右轉坤如何  
羣小恣流言狼胡無地居姬旦負腹終天吊屈原一  
死固知公所欠孤忠幸有史長存九泉若遇韓忠獻  
休說如今有末孫陶孫方縱筆飲未一二行壁已昇  
去陶孫知必爲韓所廉頃之捕者至矣急更衣持酒具  
下樓與捕者交臂問教上舍在否對曰方酣飲亟亡命  
走聞侂胄敗乃登第一

侂胄有愛姬小故被譴錢唐令程松壽亟召女僧以  
八百十市之舍之中堂旦夕夫妻上食事之甚謹  
姬惶恐莫知所由居數日侂胄意解復召之知爲  
松所市矣大怒松壽聞之亟上謁獻之曰頃有郡  
守辭闕者將挾市去外郡某忝赤縣恐忤鈞顏故  
爲王匿之舍中耳侂胄意猶未平姬既入具言松  
壽謹待禮侂胄大喜即日躡除太府寺丞旬遷監  
察御史踰年進右諫議大夫猶怏怏不滿乃更市  
一美人獻之名曰松壽侂胄追問之曰柰何與大  
諫同名答曰欲使聽名常達鈞聽耳侂胄憐之卽

除同知樞密院事

侂胄有四妾皆郡夫人其三人號滿頭花新進者  
號四夫人尤寵幸通籍宮中慈明嘗詔入賜坐四  
夫人卽與慈明偶席其次有十婢均寵有獻北珠  
冠四牧者侂胄喜以遺四夫人十婢者皆愠曰等  
人耳我輩不堪戴耶侂胄患之時趙師彝以列卿  
守臨安聞之亟出十萬緡市北珠冠十枚贈侂胄  
入朝獻之十婢者大喜分持以去侂胄歸十婢咸  
來謝翌日都市行燈十婢皆頂珠冠而出觀者如  
堵歸語侂胄曰我輩得趙大卿光價十倍王何吝

酌一官耶侂胄許之遂進師彝工部侍郎侂胄又  
嘗與客飲南園師彝與烏過山庄竹籬茅舍曰此  
真田舍景但欠雞鳴犬吠耳少焉有大嗥叢薄間  
視之乃師彝也侂胄大悅益親愛之太學諸生有  
詩曰堪咲明庭鴛鴦甘作村庄犬雞一日冰山失  
勢湯燐鑊煮刀割

侂胄用事十四年威行宮省權震寓內嘗鑿山爲園  
下瞰宗廟出入宮闈無度孝宗疇昔思政之所偃  
然居之老宮人見之徃徃垂涕顏械草制言其得  
聖之清易祓撰答詔以元聖哀之四方投書獻頌

者謂伊霍旦奭不足以擬其勲有稱為我王者余  
嘉請加九錫趙師髡之置平原郡王府官屬侂胄  
皆偃然當之籍沒之晨放逐羣婢願認父母者聽  
以身首服飾去市人利其物詐稱某妾父母者聞  
閉門巷或牽裙攬臂而往法其家藏片賣之敗衣  
破絮亦各分包往往有金珠畏匿蓋諸婢將挈之  
以為逃計者慈明以四夫人偶坐之感特命京兆  
杖一百而遣之流其嗣子于沙門島

侂胄在慶元初其弟仰曾為知閣門事頗干朝政時  
人謂之大韓小韓求捷徑者爭趨之一日內燕優

人有為衣冠到選者自叙履歷材藝應得美官而  
留滯銓曹徘徊浩嘆又為日者弊帽持扇過其旁  
邀談庚甲間得祿之期日者厲聲曰君命甚高但  
財帛官宜破若欲小可先見小寒更望大成必見  
大寒優蓋以寒為韓也侍燕者皆縮頸匿笑

侂胄當軸黜陟朝神權移人主特有天族就試南宮  
者題詩客邸云蹇衛衝風怯曉寒也隨舉子到長  
安路人莫作親王看姓猶如今不似韓

侂胄嘗以冬月携家游西湖南北兩山之勝末  
乃置宴南園族子判院蘇軾獻牽絲傀儡為土

偶負小兒者名為迎春登肝韓顧族子曰汝名能  
詩可詠之卽賦一絕云  
上要安身忽然綫斷見臺子骨肉都爲陌上塵侂  
胄佛然不終宴而歸未幾禍作

侂胄爲南海尉延一文士作館客既別音問不通後  
侂胄當國嘗思其人一日忽上謁蓋已改名登第  
數年矣一見歡甚館遇殷厚嘗夜闌酒罷侂胄屏  
左右促膝問曰某謬當國柄外間議論如何其人  
太息曰平章家族危如累卵尚復何言侂胄愕然  
問故對曰是不難知也椒殿之立非出于平章則

椒殿怨矣皇子之立非出于平章則皇子怨矣  
人君子自朱熹彭龜年趙汝愚而下斥逐貶死不  
可勝數則士大夫怨矣邊釁旣開三軍暴骨孤兒  
寡婦泣聲相聞則三軍怨矣並邊之民死于殺掠  
內地之民死于科需則四海萬姓之民怨矣叢是  
衆怨平章何以當之侂胄默然久之曰何以教我  
其人辭謝再三固問乃曰僅有一策主上非心黃  
屋若急建青宮開陳三聖家法爲揖遜之舉則皇  
子之怨可變而爲恩椒殿退居德壽雖怨無能爲  
矣于是輔佐新君渙然與海內更始曩時諸賢死

西清文會卷四  
者贈卹生者召擢遣使聘虜釋怨誦和以安邊境  
優犒諸軍厚恤死士除苛解燒蓋去軍興無名之  
賦與百姓更始然後選擇名儒遜以相位乞身告  
老為綠野之游則易危為安轉禍為福或者其庶  
幾乎侂冑猶豫不能決欲留其人處以掌故其人  
力辭竟去未幾禍作

侂冑封平原郡王而官太師一時獻佞者皆稱師王  
時叅知政事錢象祖嘗諫用兵與侂冑有隙史彌  
遠遂與合謀既得罷相之旨遂私謀批殺之寧宗  
實不知也都下為之語曰釋伽佛中間坐胡漢神

立兩傍文殊普賢自闢象祖打殺師王聞者絕倒  
陳自强為侂冑童子時師侂冑當國自强至臨安待  
選欲見無以自通其僦居主人出入侂冑家為入  
言之一日侂冑召自强比至則從官畢集侂冑設  
褥于堂延自强升坐再拜次召從官入同坐皆踞  
踏莫敢居上侂冑徐曰陳先生老儒汨沒可念坐  
客唯唯明日交章薦之即除太學錄未踰年三遷  
為秘書郎既入館改右正言月餘拜諫議大夫御  
史中丞旬日遂僉書樞密院事明年參知政事又  
明年知樞密院事侂冑進太師自强拜右丞相嘗

語人曰自強唯一死以報誣王每稱侂胄曰恩王  
恩父稱蘇師且為叔樞書吏史達祖為兄嘉泰元  
年臨安大火自強所積一夕煨燼侂胄遂遺之萬  
緡執政列郡聞之皆有所助不數日得六十萬緡  
更倍所焚之數及侂胄敗竄自強于永州死

蘇師且者平江書史也為韓侂胄腹心以奸計歸誠  
於侂胄侂胄愈益昵之嘗以窘乏求金詣侂胄侂  
胄初不知其受諸將之賂動以億萬時時捐貲助  
之及江上軍敗詞連師且受賂尺牘具存侂胄大  
怒竄師且海上及侂胄敗取斬于臨安籍其家得

金箔金二萬九千二百五十片金錢六十瓣馬蹄  
金一萬五千七百二十兩瓜子金五斗生金羅漢  
五百尊各長二尺五寸金酒器六千七百三十兩  
釵釧金一百四十三片金束帶一十二條他物稱  
是以一隅之地倖臣黷貨如此侂胄所積應且數  
倍國安得不亡哉

蘇師且將建節學士顏棫吳子純皆莫肯當制易祓  
彥章為樞密院檢詳文字師且為都承旨祓與之  
昵欣然願任責遂以國子司業兼兩制竟為師且  
草麻極其諛佞至用前人舊對所謂有文事有武



備無智名無勇功者蓋以孔子比之子房不足道也既宣布物論譁然亟擢祓左司諫諸生爲之語曰陽城毀裴延齡之麻由諫官而下遷于司業易祓草蘇師旦之制由司業而上擢於諫官旣而韓誅蘇得罪祓遂遠賤

